



**ЎЗБЕКИСТОН РЕСПУБЛИКАСИ ЭКОЛОГИЯ ВА АТРОФ-МУХИТНИ
МУХОФАЗА ҚИЛИШ ДАВЛАТ ҚЎМИТАСИННИГ
ҶАРОРИ**

**Экологик назоратнинг жамоатчи инспекторлигига
номзодларни маҳсус тайёргарликдан ўтказиш тартиби
тўғрисидаги низомни тасдиқлаш ҳақида**

Ўзбекистон Республикасининг “Экологик назорат тўғрисида”ги
Қонуни, Ўзбекистон Республикаси Вазирлар Маҳкамасининг
2015 йил 8 октябрдаги 287-сон “Жамоатчилик экологик назоратини амалга
оширишга доир намунавий низомларни тасдиқлаш тўғрисида”ги қарорига
мувофиқ Ўзбекистон Республикаси Экология ва атроф-мухитни муҳофаза
қилиш давлат қўмитаси **қарор қиласди**:

1. Экологик назоратнинг жамоатчи инспекторлигига номзодларни
маҳсус тайёргарликдан ўтказиш тартиби тўғрисидаги низом иловага мувофиқ
тасдиқлансин.
2. Мазкур қарор расмий эълон қилинган кундан эътиборан кучга
киради.

Раис



Б.Кучкаров

Тошкент ш.,
2018 йил 26 сенуб,
6-сон.

Ўзбекистон Республикаси Экология
ва атроф-муҳитни муҳофаза қилиш
давлат қўмитасининг 2018 йил
“26 июн даги
6-сон қарорига
ИЛОВА

**Экологик назоратнинг жамоатчи инспекторлигига номзодларни
махсус тайёргарликдан ўтказиш тартиби тўғрисидаги
НИЗОМ**

Мазкур Низом Ўзбекистон Республикаси Вазирлар Маҳкамасининг 2015 йил 8 октябрдаги 287-сон “Жамоатчилик экологик назоратини амалга оширишга доир намунавий низомларни тасдиқлаш тўғрисида”ги қарорига мувофиқ экологик назоратнинг жамоатчи инспекторлигига номзодларни (бундан буён матнда номзодлар деб юритилади) махсус тайёргарликдан ўтказиш тартибини белгилайди.

1-боб. Умумий қоидалар

1. Номзодлар экологик назоратнинг жамоатчи инспектори бўлиш учун махсус тайёргарликдан ўтишлари лозим.

2. Махсус тайёргарликдан ўтказиш номзодларни экология ва атроф муҳитни муҳофаза қилиш соҳасида фаолияти юритиши учун зарур ва етарли бўлган ҳажмдаги билим ва кўникмаларни ўзлаштиришига кўмаклашиш мақсадида амалга оширилади.

3. 18 ёшга тўлган Ўзбекистон Республикаси фуқаролари махсус тайёргарлик курсларига қабул қилинади.

4. Номзодлар махсус тайёргарликдан бепул ўтказилади.

5. Экология ва атроф муҳитни муҳофаза қилиш давлат қўмитаси (бундан буён матнда Кўмита деб юритилади) номзодларни махсус тайёргарликдан ўтказиш соҳасида:

номзодларни махсус тайёргарликдан ўтказишга доир тадбирларни, таълим мазмуни ва сифатига қўйиладиган талабларни белгилайди;

номзодларни махсус тайёргарликдан ўтказиш бўйича ўқув-режа ва дастурларни тасдиқлайди;

фуқароларнинг ўзини ўзи бошқариш органлари ҳамда нодавлат нотижорат ташкилотлари билан жамоатчилик экологик назоратини амалга ошириш масалаларида, экологик назоратнинг жамоатчи инспекторлари тизимини шакллантиришда ҳамкорлик қиласи.

6. Номзодларни махсус тайёргарликдан ўтказиш тадбирларини молиялаштириш қонун хужжатларида белгиланган тартибда Кўмитанинг бюджетдан ташқари жамғармалари маблағлари, юридик ва жисмоний шахсларнинг кадрларни махсус тайёрлаш учун мақсадли бадаллари, ҳомийлик хайриялари, номзодларни махсус тайёргарликдан ўтказиш учун жалб этиладиган грантлар ҳисобидан амалга оширилади.

2-боб. Номзодларни махсус тайёргарликдан ўтказиш

7. Экологик назоратнинг жамоатчи инспектори бўлиш истагини билдирган номзодлар яшаш жойидаги фуқаролар йигинларининг экология ва атроф муҳитни

мухофаза қилиш, ободонлаштириш ва қўкаламзорлаштириш комиссияларига (бундан буён матнда Комиссия деб юритилади) ёки экология ва атроф мухит муҳофазаси соҳасида фаолият юритувчи нодавлат нотижорат ташкилотига ариза билан мурожаат қиласди.

8. Номзоднинг аризаси Комиссия йиғилишида ёки экология ва атроф мухит муҳофазаси соҳасида фаолият юритувчи нодавлат нотижорат ташкилоти раҳбари томонидан қонун хужжатларига мувофиқ экологик назорат соҳасидаги маҳсус ваколатли давлат органларидан бирининг вакили иштирокида кўриб чиқлади.

9. Фуқаронинг номзоди маъқулланган тақдирда фуқароларнинг ўзини ўзи бошқариш органи ёки нодавлат нотижорат ташкилоти (бундан буён матнда буюртмачи деб юритилади) Кўмита ҳузуридаги Атроф мухитни муҳофаза қилиш соҳасидаги ходимларни қайта тайёрлаш ва уларнинг малакасини ошириш марказига (бундан буён матнда Марказ деб юритилади) номзодни маҳсус тайёргарлик курсларига юбориш тўғрисида расмий хат киритади.

10. Расмий хатга қўйидаги хужжатлар илова қилинади:

номзоднинг паспорти нусхаси;

номзодни маҳсус тайёргарлик курсларига юбориш тўғрисида Комиссия йиғилиши баённомаси ёки нодавлат нотижорат ташкилоти раҳбари буйруғидан кўчирма;

буюртмачининг буюртмаси.

11. Марказ жойлардаги талаб ва эҳтиёждан келиб чиқиб тақдим этилган буюртмалар асосида маҳсус тайёргарлик курсларидан ўтиши лозим бўлган номзодлар рўйхатини шакллантиради, маҳсус тайёргарлик курсларини ўтказиш вақти ва жойини белгилайди ҳамда номзодларни ҳудудлар бўйича тақсимлайди.

12. Тошкент шахри ва Тошкент вилоятида яшовчи номзодларни маҳсус тайёргарликдан ўтказиш бевосита Марказ томонидан амалга оширилади.

Қорақалпогистон Республикаси ва қолган вилоятларда яшовчи номзодларни маҳсус тайёргарликдан ўтказиш Қорақалпогистон Республикаси Экология ва атроф мухитни муҳофаза қилиш қўмитаси, вилоятлар экология ва атроф мухитни муҳофаза қилиш бошқармалари (бундан буён матнда ҳудудий бошқармалар деб юритилади) томонидан амалга оширилади.

13. Марказ буюртмачиларни маҳсус тайёргарлик курслари бошланишидан 10 кун аввал маҳсус тайёргарлик курсларини ўтказиш муддатлари тўғрисида хабардор қилиши лозим.

14. Буюртмачилар номзодларнинг ўқишига Марказ томонидан белгиланган муддатларда етиб келишларини таъминлашлари лозим.

15. Маҳсус тайёргарлик курсларида ўқитиш Кўмита томонидан тасдиқланган ўкув режа ва дастурлар бўйича амалга оширилади.

16. Маҳсус тайёргарлик курсларида ўқитиш муддати 1 ҳафта – 36 соатни ташкил этади.

17. Маҳсус тайёргарлик курслари кундузги шаклда амалга оширилади.

Асосий иш жойига эга бўлган номзодлар маҳсус тайёргарлик курсларига ишдан ажратилган ҳолда жалб қилинади.

18. Маҳсус тайёргарлик курсларида номзодларга экология ва атроф мухитни муҳофаза қилиш соҳасидаги қонун хужжатлари, табиатни муҳофаза қилиш фаолияти самарадорлигини оширишга қаратилган давлат ва жамоатчилик назорати тўғрисидаги

билимлар ҳамда давлат экологик дастурлари ва бошқа экологик тадбирларни амалга оширилишида фуқароларнинг ўзини ўзи бошқариш органлари, нодавлат нотижорат ташкилотлари ва фуқароларнинг иштироки юзасидан таянч тушунча ва билимлар берилади.

19. Ўқув жараёни 60 нафаргача бўлган номзодлардан иборат ўқув гурухларига бўлинган ҳолда, Марказ раҳбари томонидан тасдиқланган машғулотлар жадвали асосида олиб борилади.

20. Номзодларни маҳсус тайёргарликдан ўтказиш жараёнига тегишли олий таълим муассасалари ўқитувчилари, Кўмита тизими ходимлари ва бошқа мутасадди ташкилотларнинг тажрибали мутахассислари жалб қилиниши мумкин.

21. Номзод маҳсус тайёргарлик курсларига узрли сабабларга кўра кела олмаган тақдирда, у б ой ичида навбатдаги маҳсус тайёргарлик курсларига қабул қилиш тўғрисида ариза билан Марказга мурожаат қиласди.

Марказ томонидан номзоднинг аризаси қонун ҳужжатларида белгиланган муддатларда кўриб чиқилиб, навбатдаги маҳсус тайёргарлик курсларидан ўтиши лозим бўлган номзодлар рўйхатига киритилади ҳамда бу ҳақда буюртмачи З кун ичида хабардор қилинади.

22. Номзодлар қўйидаги ҳолларда маҳсус тайёргарлик курсларидан четлаштирилади:

ўз хоҳишига биноан;
сабабсиз б соат дарс қолдирганда;
саломатлиги туфайли (тиббий маълумотнома асосида);
вафот этган тақдирда.

23. Марказ номзодни маҳсус тайёргарлик курсларидан четлаштирилганлиги тўғрисида буюртмачини З кун ичида хабардор қилиши лозим.

24. Номзодлар ўқув режа ва дастурни тўлиқ ўзлаштириб бўлгандан сўнг, уларга маҳсус тайёргарлик курсларидан муваффақиятли ўтганлиги тўғрисида сертификат берилади ва ушбу сертификат номзодга экологик назоратнинг жамоатчи инспектори гувоҳномаси берилишига асос бўлади.

З-боб. Якуний қоидалар

25. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавобгар бўлади.

26. Ушбу Низом Ўзбекистон Республикаси Соғлиқни сақлаш вазирлиги, Ички ишлар вазирлиги, Қишлоқ хўжалиги вазирлиги, Сув хўжалиги вазирлиги, Ер ресурслари, геодезия, картография ва давлат кадастри давлат кўмитаси, Давлат ветеринария кўмитаси, “Саноатгеоконтехназорат” давлат инспекцияси, Ўсимликлар карантини давлат инспекцияси, Ўзбекистон экологик ҳаракати, Фуқароларнинг ўзини ўзи бошқариш органлари фаолиятини мувофиқлаштириш бўйича республика кенгаши ва Ўзбекистон Нодавлат нотижорат ташкилотлари миллий ассоциацияси билан келишилган.

Соғлиқни сақлаш вазири

2018 йил “18” июль

А. Шадманов



Ички ишлар вазири

2018 йил “18” июль

Ш. Бобожонов



Қишлоқ хўжалиги вазири

2018 йил “18” июль

Б. Юсупов

Сув хўжалиги вазири

2018 йил “18” июль

Ш. Хамраев



Ер ресурслари, геодезия, картография
ва давлат кадастри давлат қўмитаси
раиси

2018 йил “18” июль

А. Абдуллаев



Давлат ветеринария қўмитаси раиси в.б

2018 йил “18” июль

Б. Норқобилов



“Саноатгеоконтехназорат”
давлат инспекцияси бошлини

2018 йил “18” июль

Б. Гулъянов



Ўсимликлар карантини давлат

инспекцияси бошлини

2018 йил “18” июль

И. Эргашев



Ўзбекистон экологик харакати
Марказий Кенгаши Ижроия қўмитаси

раиси

2018 йил “18” июль

Б. Алихонов



Фуқароларнинг ўзини ўзи бошқариш
органлари фаолиятини
мувофиқлаштириш бўйича республика
кенгаши раисининг биринчи

ўринбосари

2018 йил “18” июль

Ш. Жавлонов



T D A
L D

Ўзбекистон Нодавлат нотижорат
ташкилотлари миллий ассоциацияси
кенгаши раиси

2018 йил “18” июн



И.Насриев

